

Te mahere ā-rohe o Henderson-Massey 2020

He aronga poto i tā mātou mahere



Mihi

E nga pītau whakarei o te waka,
e nga rau tītapu o te iwi,
e aku hei māpuna,
e taku iti e taku rahi, koutou kua mahue mai nei
hei toka piringa mōku i te ora,
hei ruruhau i nga hau āwhio o te wā.
E aku whakakai pounamu, e aku māpihi maurea,
kia oho te mauri, kia māriri o koutou wairua,
kia hora te marino,
tēnā koutou katoa.

Tēnei au te noho atu nei i te tihi o Te Pae o te Rangi,
i tīhore a ai te whenua kia kī ake au,
e koe e te hau o te uru te wawā rā,
me te kī mai, e kore au e ora i ngā hau kōtiu,
i āia ai te pūpūtara ki uta.

Nāu nei te tono kia piki ake au
i ngā tai whakatū a Kupe ki te Waonui o Tiriwhā
me te Pae o te Rangi.

Kia titiro whakaroto ahau ki te maunga o Puketōtara,
kei raro e rere ana ko te awa o Waitākere.

Kei tētahi taha ko Puke Whakataratara,
kei tua ko Te Whau.

Koinei rā te rohe kāinga o Te Au o Te Whenua
me te Te Kawerau a Maki,
ko rātou nei te whāriki
i āhei ai te nohoa o tēnei moka o te rohe
e te tini whāioio kua whakakāinga mai.

Kua kōhatu nei nga paparahi ki te whenua,
i tangata whenuatia ai tātou katoa.

I whaikiko ai te kōrero,
*“Ko te hapori te tauawhi i te taiao,
he mea motuhake, rerenga kē.”*

Kia hiwa rā, kia hiwa rā.

Kei tēnei puka te whakarāpopotohanga o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau, www.aucklandcouncil.govt.nz mō te roanga ake o te mahere.

He kōrero nō te Heamana

Ko te Mahere Poari ā-Rohe o Henderson-Massey i tēnei puka he mea taketake i te tuhinga tuatahi i whakatatokohia ki mua i te aroaro o ngā hapori o tēnei rohe i ngā marama tuatahi o te tau. Ahakoa ngā taumahatanga o te MATE-KORONA me ngā herenga urutā, i tū tonu ngā hui hapori, i tukuna ngā puka mā te ipurangi, ā, 189 ngā tāngata/rōpū hapori i whakahoki kōrero mai e pā ana ki te mahere rā. He maha ngā whakaaro tino pai rawa atu i whakahokia mai ai - he whakaaro e whakatinanahia ai mā tēnei mahere.

Nei rā te mihi ki tēnā, ki tēnā i whai wā ki te whakahoki kōrero ā-waha, ā-pepa rānei e pā ana ki te tuhinga tuatahi.

I mārama tā koutou ki a mātou - e kaha tautokona ana ngā kaupapa ki te whakanui i te hapori kanorau me te whakatūwhera i ngā ringa ki te katoa. Ka tautokona tonutia ngā kaupapa ā-rohe, ngā kaupapa toi o te hapori me ngā kaupapa e whakanui ana i ngā pakeke/iwi/pūkenga maha o Henderson-Massey. Ka arahina te whakatinanatanga o ēnei kaupapa e te mahere, ā, ka mahi tahi mātou ko ō tātou rōpū hapori angitū. Ko ngā kaupapa ka kōkiritia ki ngā pokapū hapori, me ngā pokapū tāone, he mea hurihuri kia whai wāhi rā anō te katoa ki ngā mahi.

Ka toro atu te ringa o whanaungatanga ki ngā hapori o Te Moana-nui-a-Kiwa me ngā hapori o ngā mātāwaka kia mārama ai ō rātou wawata me ngā kaupapa tino nui ki a rātou.

He mana motuhake tō te Māoritanga me te tuakiri Māori i Aotearoa. Ka whakanuia ngā tikanga tuku iho o te Māori. Ka tautokona te reo Māori kia rangona, kia ākona, kia kōrerotia, kia kitea huri noa i Henderson-Massey. Ka whai wāhi atu ngā whakaaro Māori ki ngā kaupapa manapori me ngā tukanga whakatau i te ara whakamua.

E tino tere ana te tupu o te taupori o Henderson-Massey. He whakahirahira kia ākina tonutia te whakatūnga o te hōpua wai ki te raki-uru, ā, ka kaha akiaki hoki mātou kia whakawhānuitia ngā ratonga whakaora tangata ki te hōhipera o Waitākere. Kei te huri haere a Henderson ki te pokapū tāone nui e whakahīhī ai te tangata, ā, ka mahi tahi tonu mātou ko Panuku ki te whakahou i a Henderson hei pokapū taiao tāone taurikura.

E ngātahi ana tō tātou wawata ki te whakamana i te tangata kia ngāwari ake ngā mahi o ia rā ki te taiao, kia kaha ake ia, ā, ka mahi tahi tātou ki te whakatinana i aua wawata.

Kei te aro pū tonu mātou ki te whakatū i ngā ara hīkoi, ara eke paihikara, ngā kōwhiringa aratau hāereere maha, me ngā rori marutau, ā, ko te ara o Te Whau tētahi o ēnei kaupapa. I rawe te rongo atu ka utua e te kāwanatanga ā-motu ētahi wāhangā nui o tēnei kaupapa. Ka kaha tonu mātou ki te patipati i ngā pūtea ki te whakaoti i ngā wāhangā katoa o te ara nei, ā, ka rangahaua ngā kōwhiringa kia tūhonotia ai te ara ki ngā pāka me ngā tiriti o te rohe o Henderson-Massey.

Kei te matua mōhio te Poari ā-Rohe o Henderson-Massey kua huri te ao i te urutā MATE-KORONA - te ao o te tangata, ngā tahua pūtea o te kaunihera hoki. Me titi ngā waewae ki te whenua - kua heke te pūtea moni hei whakapau, heoi, kei te mārō tonu te hiahia kia

whakatinanahia ngā kaupapa matua i whakarārangihia ki te mahere poari ā-rohe, ahakoa ngā āhuatanga o tēnei ao MATE-KORONA.

Ngā mihi nunui i tō tautoko i te mahere nei, me tō tātou mahi tahi i ngā toru tau kei mua i te aroaro.

A handwritten signature in blue ink, appearing to read "Chris Carter".

Chris Carter

Heamana, Henderson-Massey Local Board

He whakarāpopotohangā o ngā kaupapa matua o te mahere

Whakaotinga tahi: He wāhi pai rawa a Henderson-Massey hei noho, hei mahi, hei tākaro hoki

Ka kitea i ngā pokapū tāone me ngā takiwā kāinga te taurikura, te ngākau tuku iho, ā, ka kitea te whakahīhī o ngā tāngata ki tō rātou rohe. He rauemi nunui ngā wāhi hapori ki te tautoko i ngā hapori e aro ana ki te korikori tinana me te tinana ora.

Whakaotinga rua: He hapori taurikura, manaaki, tūhonohono hoki

He hapori kanorau, he hapori e tūwhera ana ki te katoa, he hapori e whakamanahia ana ki te mahi tahi kia eke panku. Ka whai wāhi atu ngā tāngata katoa o Henderson-Massey ki tēnei rohe me ūna kaupapa huhua.

Whakaotinga toru: Te ahurea me te tuakiri Māori e puāwai ana

Ko te Māoritanga he āhuatanga toitū ki Henderson-Massey. E mihi ana mātou ki te motuhake o te Māori hei tangata whenua

Whakaotinga wha: Kei te tautoko te katoa i te whakapakari aumangea me te noho toitū

He wāhi tō tēnā, tō tēnā ki te whakangāwari i ngā taumahatanga ki te taiao, ki te whakakore i te para, ki te whakariterite mō ngā raru āhuarangi.

Whakaotinga rima: He ngāwari te neke haere huri noa i Henderson-Massey i runga i te haumaru, me te kore whakamahi waka

He ngāwari mō te katoa te whakamahi i ngā momo waka me ngā momo ara ki te nukunuku haere i te rohe. Ka hua mai i ēnei te hauora me te oranga o te tangata, te hekenga iho o ngā puha hauhā, te hekenga iho o ngā motukā ki te rori, te whakakore i ngā para e rere ana ki ngā manga me ngā wai māori.

Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Henderson-Massey mai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/21 (\$000)
Whiwhinga moni i ngā mahi whakahaere	
Ratonga hapori ā-rohe	4,942
Whakarautaki ā-rohe me ngā mahi whakawhanake	
Ratonga taiao ā-rohe	
Mahi kāwana ā-rohe	
Tataunga whiwhinga moni i ngā mahi whakahaere	4,942
Whakapaunga moni ki ngā mahi whakahaere	
Ratonga hapori ā-rohe	25,859
Whakarautaki ā-rohe me ngā mahi whakawhanake	1,162
Ratonga taiao ā-rohe	286
Mahi kāwana ā-rohe	1,052
Tataunga whakapaunga moni ki ngā mahi whakahaere	28,359
More whakapaunga moni ki ngā mahi whakahaere	23,417
Whakapaunga pūtea tōpū	
Ratonga hapori ā-rohe	7,303
Whakarautaki ā-rohe me ngā mahi whakawhanake	
Ratonga taiao ā-rohe	
Mahi kāwana ā-rohe	
Tataunga whakapaunga pūtea tōpū	7,303

Ngā Mema o te Poari ā-Rohe o Henderson-Massey

	Ngā taipitopito hei toro atu ki ngā mema
	Chris Carter – Heamana (mō te haurua tuatahi o te tau pōti) Waea: +64 021 461 568 chris.carter@aucklandcouncil.govt.nz
	Will Flavell – Heamana Tuarua (mō te haurua tuatahi o te tau pōti) Waea: +64 021 279 0100 will.flavell@aucklandcouncil.govt.nz
	Brenda Brady (Heamana Tuarua mō te haurua tuarua o te tau pōti) Waea: +64 027 564 0566 brenda.brady@aucklandcouncil.govt.nz
	Peter Chan Waea: +64 09 301 0101 peter.chan@aucklandcouncil.govt.nz
	Matt Grey Waea: matt.grey@aucklandcouncil.govt.nz

	Ngā taipitopito hei toro atu ki ngā mema
	Brooke Loader Waea: +64 022 025 0436 brooke.loader@aucklandcouncil.govt.nz
	Vanessa Neeson (Heamana mō te haurua tuarua o te tau pōti) Waea: +64 021 281 0445 vanessa.neeson@aucklandcouncil.govt.nz
	Ingrid Papau Waea: +64 021 1311 373 ingrid.papau@aucklandcouncil.govt.nz



© 2020 Auckland Council
Auckland Council, Henderson-Massey Local Board

ISSN 2253-1041 (Print)
ISSN 2230-6676 (PDF)

Auckland Council disclaims any liability whatsoever in connection with any action taken
in reliance of this document for any error, deficiency, flaw or omission contained in it.